

影印

文淵閣

四庫全書

影印

文淵閣四庫全書

第九九〇冊

北京出版集團公司
北京出版社

本册目次

御定淵鑿類函(九)

清

張英
王士禎
等奉敕撰……………一

欽定四庫全書

御定淵鑑類函卷三百六

子部

欽定四庫全書

御定淵鑑類函卷三百六

人部六十五

行旅 逆旅

行旅一

原爾雅曰征邁行也 易曰天行健 又曰牝馬地類

行地無疆 又曰利有攸往 又曰旅人先笑後號咷

毛詩曰我行其野 芘芘其麥 又曰惠而好我攜手

同行 又曰行道遲遲中心有違 禮記曰行則有隨

欽定四庫全書

御定淵鑑類函 卷三百六

立則有序行而無隨則亂于途 增周禮地官遺人凡

國野之道十里有廬廬有飲食三十里有宿宿有路室

路室有委五十里有市市有候館候館有積 原左傳

曰凡公行告於宗廟反則飲至舍爵策勳焉禮也 又

曰君行師從卿行旅從 又曰不有居者誰守社稷不

有行者誰扞牧圉 又曰先王卜征五年歲習其祥祥

習則行 又曰行李之往來共其資糧扉屨其可也

增孟子曰關譏而不征則天下之旅皆悅而願出於其

詳校官內閣學士 臣尹壯圖

主事 臣祁韻士覆勘

總校官進士 臣繆琪

校對官助教 臣黃昌稜

騰錄監生 臣蔡枝華

路矣 又曰行旅皆欲出於王之塗 原莊子曰適百里者宿春糧適千里者三月聚糧

行旅二

原莊子曰黃帝將見大隗於具茨之山方明為馭昌寓參乘於襄城之野七聖皆迷適遇牧馬童子問塗焉又曰黃帝遊乎赤水之池登於崑崙之丘 史記曰禹乘四載隨山刊木山行乘橈泥行乘橈陸行乘車水行乘舟 毛詩序周大夫行役過故宗廟宮室盡為木黍

欽定四庫全書

御定淵鑑類函

卷三百六

三

彷徨而不忍去曰行邁靡靡中心搖搖 又曰周公東征三年而歸曰我徂東山惛惛不歸我來自東零雨其濛 左傳曰昔周穆王欲肆其心周行天下將皆必有車轍馬跡焉 穆天子傳曰天子北征絕漳水西征賓於王母天子觴西王母瑤池之上 增韓非子曰管仲從威公至孤竹春往冬返迷失道管仲曰老馬之智可用也乃放老馬而隨之遂得道 莊子曰士成綺見老子百舍重趂而不敢息 原史記曰老子居周久之見

周之衰乃遂去關關令尹喜曰子將隱矣喜與老子俱之流沙之西 家語曰齊人歸女樂魯君觀之三日不朝孔子遂行 增後漢書曰李固步行尋師不遠千里

原又曰秦始皇至雲夢望祀虞舜於九疑浮江下觀丹陽至錢塘臨浙江上會稽祭大禹望於南海北至琅邪 漢書曰武帝行幸雍遂北出蕭關歷獨鹿鳴澤自代而還 又曰行幸至甘泉宮賓禮外國客又行幸東海獲赤鴈 又曰武帝南巡至盛唐祀虞帝於九疑登

欽定四庫全書

御定淵鑑類函

卷三百六

三

天柱山自潯陽浮江斬蛟江中遂北至琅邪徇海而還所過禮祠名山大川 增又曰武帝使鄭莊視浚河自請治行五日上曰吾聞鄭莊行千里不齋糧請治行者何也 原又曰張騫為郎應募使月支匈奴留之十餘年騫持節不失西走大宛抵康居傳至大月支從月支至大夏窮河源廣地萬里九譯至殊俗威德徧於四海 增晉書曰阮籍率意獨駕不由徑路車跡所窮輒慟哭而返 前秦錄曰苻堅滅燕趙之後自長安至諸州

皆夾路樹槐柳二十里一亭四十里一旅行者取給於
涂工商資販於道 北史曰韋孝寬為雍州刺史先是
路側一里置土堠經雨頽壞每煩脩之自孝寬臨州乃
敕部內當堠處植槐木代之既免脩復行旅又得庇蔭
周文後見怪問知之曰豈得一州獨爾當天下同之於
是令諸州道路一里植一木十里植二木百里植五木
焉 唐書曰魏徵勸帝行仁義至是天下大治行旅不
齋糧取給於道 一統志曰宋鄒浩號道鄉謫衡州經
長沙守溫益下逐客令旅店不敢容風雨夜渡湘江山
僧列炬迎之張栻為浩築臺朱熹刻石曰道鄉 明劉
氏鴻書曰宋紹興辛酉周輝隨侍之鄱陽至南康揚瀾
左蠡失舟老幼僅以身免小泊沙際俟易舟信步至山
椒一寺軒名重湖梁間一木牌老僧指示是乃蘇內翰
留題登榻觀之即八月渡重湖詩也僧曰以所處深險
人跡不到故留至今 宋史曰賈似道謫高州團練使
循州安置籍其家福王與芮素恨似道募有能殺似道

欽定四庫全書

御定湖鑑類編
卷三百六

四

者送之貶所有縣尉鄭虎臣欣然請行虎臣每名斤似

道輟轡蓋暴行秋日中昇轎夫唱杭州歌謔之似道至

古寺中壁有吳潛南行所題字虎臣呼似道曰吳丞相

何以至此似道慙不能對八月至漳州木棉菴虎臣屢

諷之自殺似道曰太皇許我不死虎臣曰吾為天下殺

似道雖死何憾拉殺之 元史曰憲宗征大理國自六

盤山經臨洮下西番諸城抵雪山徑盤屈舍騎徒步鄭

鼎負憲宗以行至金沙河波濤洶湧帝臨水旁危石立

欽定四庫全書

御定湖鑑類編
卷三百六

五

馬觀之鼎諫曰此非聖躬所宜親扶下馬帝嘉之 鴻

書曰太祖在御多好微行以察人情之向背嘗以夜出

暫止逆旅枕石眠草藉上中夜有人語曰吾視乾象當

在民舍中頭枕石脚踣藉而臥室中人笑曰君得無誤

耶上聞而異之即以手足易位而寢俄其人亦至庭中

曰君果誤矣此人頭枕藉脚踣石耳上聽之不覺汗流

浹於背即夕還宮購求兩人不可得是後微行稍稀矣

弇州史料曰丘文莊公濬夫人自南海浮江而上過

鄱陽湖夜夢達官訶擁入舟曰吾乃翰林編脩戚瀾也
昔與丘先生同官義不容絕特報耳三日後有風濤之
險隻帆片櫓無存可亟遷於岸夫人驚覺如其言移止
寺中未幾江中果有風濤衆舟盡溺至京夫人白其事
於文莊公公以聞於朝遣官諭祭文莊又為文祭之

行旅三

原祖矣

何之

詩駕言祖矣 李陵詩遊子暮何之

跋涉

劬勞

詩夫跋涉

涉我心則憂草行曰跋水行曰涉又之子于征劬勞于野

駢駢

蕭蕭

詩駢駢蕭蕭征夫

欽定四庫全書

御定詞韻類函 卷三百六

六

又蕭蕭

增擔簦

隨牒

戰國虞卿躡屣擔簦以說趙王 漢匡衡曰但以無階朝

廷故隨牒

萍浮

梗泛

東漢鄭康成萍浮南北後因黃巾為害復歸鄉邦 唐詩

惻惶勞梗泛

原犯霜露

適莽蒼

跋涉山川蒙犯霜露以逞君心 莊

子曰適莽蒼者三餐而返腹猶果然莽蒼近郊貌果然飽也

不知期

必有方

詩君

于子役不知其期曷至哉 論語父母在不遠遊遊必有方

不齋糧

有行色

上

莊事詳行旅二 古詩車馬有行色

悲故鄉

窮日力

古詩日暮途且遠遊子悲故鄉

孟子窮日之力而後宿

行人彭彭

征夫捷捷

詩汶水湯湯行人彭彭注彭彭

多也 又四牡業業征夫捷捷

焚次喪僕

懷安敗名

易旅焚其次喪其僮僕

左傳懷與安實敗名

鴻旅于淄

婦歎于室

鴻旅于淄歸不後 下東山詩

式微之詠

高蹈之歌

詩式微式微胡不歸微君之故胡為乎中露 齊人歌曰魯人

之阜數年不覺使我高蹈高蹈謂遠行也

忽如遠客

增各在天涯

古詩人生

天地間忽如遠行客 又各在天一涯

原于橐于囊

不日不月

月

捷之勞

秋蓬之轉

詩豈敢定居一月三捷 古者觀轉蓬為車

增匹馬

孤舟

殘茶冷酒

鄭谷倦客詩十年五年岐路中千里萬里西復東 馬愁衝晚却雪孤舟

悶阻春江風 李白詩朝遊九城陌肥馬香車欺殺客暮宿五侯門殘茶冷酒愁殺人

敝裘羸

馬

店月橋霜

唐張籍行路難湘東行人長歎息十年離家歸未得敝裘羸馬苦難行僮僕盡

欽定四庫全書

御定詞韻類函 卷三百六

七

飢少筋力君不見牀頭黃金盡壯士無顏色龍蟠泥中未有雲不能生彼升天翼 溫庭筠商山早行詩晨起

動征鐸客行悲故鄉難聲茅店月人跡版橋霜 柳葉落山路枳花明驛牆因思杜陵夢 危雁滿迴塘 鮑

金為贖

貸錢為資

孟子曰當在宋也予將有遠行行者必以贖辭曰餽贖 戰國蘇秦

之燕貸百錢為資及得富貴以百金償之徧報諸所嘗見德者

沐雨櫛風

飛雲滯

月文選櫛風沐雨多在道路 李白詩心飛秦塞雲影滯楚關

傾蓋而語

班荆

與言 親顧謂子路曰取束帛以贈先生 左傳楚伍舉

挾書萬里

仗劍三

與聲子善伍舉奔鄭聲子遇之於鄭郊班荆相與食而言復故

年

揚載詩挾書萬里朝明

主仗劍三年別故鄉

年

行旅四

原辭邦 去里 道長 吳王謂季孫曰國君道長大夫不出門何謂也注謂長於道路

道敞 增脂牽 詩載脂載牽還車言邁 辦裝 龔勝傳曰賜祿秩以辦裝

夙駕 詩星言夙駕 周行 楚辭征夫勞于周行 跋履 左傳跋履山川踰越險阻

蜷局 楚辭僕夫悲子懷兮馬蜷局而不行 行色 莊子曰今者闕然數日不見車馬有行色

行程 楊誠齋詩到家失却行程歷只檢西歸小集詩 繭足 別禹錫曰繭足千里 回頭

誠齋詩知道望鄉看不見也須一步一回頭 船上下 孔平仲詩波間交語 人南北

船上下馬頭一別人南北 崎嶇峽 慰帖波 誠齋詩行盡崎嶇峽初逢慰帖波

欽定四庫全書

支離飄泊 杜甫詩支離東北風塵際飄泊西南天地間 投邨問店 陳陶詩投邨礙

野水問店 隔荒山 原不遑起處 靡所底戾 四方之志

萬里之游 每懷靡及 匪居則寧 朝冒霧露 晝

披塵埃 登山臨水 楚辭曰悲哉秋之為氣也慄慄兮若在遠行登山臨水送將歸

增膏車秣馬 韓文膏吾車兮秣吾馬 羈旅之臣 左傳羈旅之臣幸若獲宥

羈旅之情 西征賦遠行有羈旅之情 徑泥林霧 劉子翬詩徑泥黃染屨林霧白侵衣

橋穿石滑 范成大詩魂驚版橋穿足側石子滑 趁鳥下灘 誠齋詩岸中獨立東

風裏眼趁鳥 雖下急灘 飛絮送行 又詩柳絮絳知不住却教飛絮送儂行 車殆

馬煩 洛神賦曰日既西傾車殆馬煩 蒙霜沐雨 淮南王傳蒙霜露沐風雨 草草

勞人 縣縣遠道 張耒詩草草勞人常少睡縣縣遠道苦無情 古古今今

路 朝朝暮暮行 唐庚詩 原口倦乎叱咤 手苦乎轡

箠 夏為大暑暴炎 冬為寒風偃薄 增行色秋將

晚 交情老更新 杜甫詩 客舍盈尊酒 江行滿篋詩

韋應物詩 稍聽鄰船語 初分異土言 梅堯臣詩 我行日亦

行 日歸我未歸 楊萬里詩

行旅五

欽定四庫全書

原詩古詩曰驅車遠行役悠悠涉長道四顧何茫茫東

風搖百草所遇無故物焉得不速老 增又曰橐砧今

何在山上復安山何時大刀頭破鏡飛上天 原魏文

帝詩曰漫漫秋夜長烈烈北風涼展轉不能寐披衣起

彷徨俯視清水波仰看明月光鬱鬱多愁思縣縣思故

鄉願飛安得翼欲濟河無梁 又於明津作詩曰遥遥

山上亭皎皎雲間星遠望使心懷遊子戀所生驅車出

北門遥望河陽城 曹植雜詩曰悠悠遠行客去家千

餘里出亦無所之入亦無所止浮雲翳日光悲風動地起 又曰游魚潛綠水翔鸞薄天飛始出嚴霜結今來

白露晞 阮瑀詩曰臨川多悲風秋日苦清涼客子易

為戚感此用哀傷攬衣起躑躅上觀心與房三星守故

次明月未收光雞鳴當何時朝晨尚未央還坐長歎息

憂憂安可忘 又曰我行自凜秋季冬乃來歸置酒高

堂上友朋集光輝念當復離別涉路險且夷思慮益惆

悵淚下霑裳衣 晉張協詩曰述職投邊城羈束戎旅

欽定四庫全書

御定淵源類書

卷三百六

十一

間下車如昨日望舒三五圓流波戀舊浦行雲思故山

晉陸機赴洛詩曰總轡登長路咽辭密親借問子

為何世網嬰吾身永歎遵北渚遺思結南津 又曰遠

遊越山川山川修且廣振策陟崇丘按轡遵平莽夕息

抱景寐朝徂銜思往 又尸鄉亭詩曰東遊觀翠洛道

遙丘墓間秋草蔓長柯寒木入雲煙發軫有夙晏息駕

無愚賢 湛方生還都帆詩曰高岳萬丈峻長湖千里

清白沙窮年潔林松冬夏青水無暫停流木有千年貞

寤言賦新詩忽忘羈客情 成公綏詩曰洋洋熊耳流

巍巍伊闕山高岡碣崔嵬雙阜夾長川素石何磷磷水

禽何翩翩遠涉許穎路顧思邈絲絲鬱陶懷所親引領

情緬然 陶潛赴假還江陵夜行塗口作詩曰閒居三

十載遂與塵事冥詩書敦宿好園林無俗情扣枻新秋

月臨流別友生涼風起將夕夜景湛虛明 宋謝靈運

七里瀨詩曰孤客傷逝湍徒旅苦奔峭石淺水潺湲日

落山照曜 又初往新安桐廬口詩曰感節良已深懷

欽定四庫全書

御定淵源類書

卷三百六

十一

古亦云思不有千里權執伸百代意既及冷風善又即

秋水駛江山共開曠雲日相照嶺景夕羣物清對玩咸

可喜 又夜發石關亭詩曰隨山踰千里浮賂將十夕

鳥歸息舟楫星闌命行役亭亭曉月映泠泠朝露滴

鮑昭從臨海王西鎮發新亭詩曰客行有苦樂但問客

何行攀龍不待翼附驥絕塵冥梁珪分楚牧羽鷄指全

荆狐兔懷窟志犬馬戀主情 又登黃鵠圻詩曰適郢

無東轅過夏有西浮三崖隱丹墜九派引蒼流淚竹感

相別荆珠懷漢遊 齊孔稚圭旦發青林詩曰孤征越

清江遊子悲路長二句倏已滿三千眇未央草雜今古

色巖留冬夏霜寄懷山中舊舉酒莫相忘 劉瑱上湘

度琵琶磯詩曰茲山挺異萼孤起秀雲中陂池激楚浪

紛紜絕宛風煙峰晦如畫寒水清若空頡頏鷗舞白流

亂葉飛紅 梁元帝經巴陵行部伍詩曰涉江望行旅

金鉦間綵旂水際含天色虹光入浪浮柳條恒拂岸花

氣盡熏舟叢林多故社單戍有危樓 范雲述行詩曰

欽定四庫全書

御定詞類編
卷三百六

十三

振策出燕代驅車背朔井翩翩朱蓋轉蕭蕭良馬鳴

江洪詩曰日沒風光靜遠山深無雲潮落晚洲出浪罷

沙成文挾琴上高岸望月彈明君去家未千里斷絕怨

離羣 吳均酬鮑叢詩曰振擢出江湄依依望九疑欲

謁蒼梧帝過問沅湘姬折荷縫作蓋落羽紡成絲吾行

別有意不為君道之 又憶費昶詩曰皎皎日將上獵

獵起微風山沒清波內帆在浮雲中直趨珠星北斜開

碧海東故人若思我當念離根蓬 又使廬陵詩曰悵

然不自悟端憂坐漠漠風急雁毛斷冰堅馬跡落客子

飢寒多江上衣裝薄何當報恩罷驅車還北郭 王僧

孺中川長望詩曰長川杳難即四望四無極安流寧可

值憤風方未息危帆渡中懸孤光巖下仄岸際樹難辨

雲中鳥易識莫恨東復西誰知迂且直故鄉相思者當

春愛顏色獨寫千行淚誰同萬里憶 何遜度連圻詩

曰客子行行倦年光處處華石蒲生促節巖樹落高花

又還渡五洲詩曰睽言還九派迴艫出五洲蕭散煙

欽定四庫全書

御定詞類編
卷三百六

十三

霞晚淒清江漢秋沙汀暮寂寂蘆岸夕修修 又富陽

浦口和朗上人詩曰客心愁日暮徙倚空望歸山煙斂

樹色江水映霞輝獨鶴凌風逝雙鳧出浪飛故鄉千餘

里茲夕寒無衣 劉孝儀帆渡吉陽洲詩曰揚帆乘浪

華噪鼓揚風力近樹倏而遐遙山俄已逼欲比驚龍掣

將頓陽鳥翼客行悲道遠唯須前路極 劉孝威晚渡

吉陽洲詩曰江潮凌晚急鉦鼓候晨催幸息揚人唱聊

望高帆開聯村倏忽盡循汀俄頃迴疑是傍洲退似覺

前山來將與圖南競誰云勞沂泗 劉孝標月半夜泊

鵲尾詩曰客行三五夜息權隱中洲月光隨浪動山影

逐波流 虞騫尋沈剡夕至嵯亭詩曰命楫尋嘉會信

次歷山原捫天上雲亂攀石下雷奔澄潭寫度鳥空嶺

應鳴猿榜歌唱將夕商子處方昏 王筠遊望詩曰晨

登黃馬坡遙望白龍堆風威畫棹折路險車輪摧 朱

超泊巴陵詩曰月夜三江靜雲霧四邊收淤泥不通挽

寒浦劣容舟迴風折長草輕冰斷細流古邨空列樹荒

欽定四庫全書

御定淵鑑類函

卷三百六

十四

戍久無樓 庾肩吾舟中寒望詩曰日暮敬臯舟層冰

合駛流雪照齊君履寒入楚王裘 陳陰鏗和傅郎歲

暮還湘洲詩曰蒼茫歲欲晚辛苦客方行大江靜猶浪

扁舟獨且征棠枯絳葉盡蘆凍白花輕戍人寒不望沙

禽迴未驚湘波各深淺空軫念歸情 又晚泊五洲詩

曰客行逢日暮結纜晚洲中戍樓因堪險邨路入江窮

水隨雲渡黑山帶日歸紅遙然一柱觀欲輕千里風

又夜發詩曰夜江霧裏閣新月迴中明溜舫唯識火驚

鬼但聽聲勞者時歌榜愁人數問更 周王褒始發宿

亭詩曰送人亭上別被馬檝中嘶漠漠邨煙起離離嶺

樹齊落星侵曉沒殘月半山低 又和越王途中詩曰

飄飄映車幕出沒望連旗度雲還羽陣迴風即送師峽

路沙如月山峰石似眉邨桃拂紅粉岸柳被青絲錦城

遙可望迴鞍念此時 北齊庾信詩曰飛蓬損腰帶秋

鬢落容顏寄言舊相識知余生入關 增周顏之推從

周入齊夜渡砥柱詩曰俠客重艱辛夜出小平津馬色

欽定四庫全書

御定淵鑑類函

卷三百六

十五

迷關吏雞鳴起戍人露鮮華劔彩月照寶刀新問我將

何去北海就孫賓 唐王勃易陽早發詩曰飭裝侵曉

月奔策候殘星危閣尋丹嶂回梁屬翠屏雲間迷樹影

霧裏失峰形復此涼颼至空山飛夜螢 駱賓王途中

有懷詩曰睠然懷楚奏悵矣背秦關涸鱗驚照轍墜羽

怯虛彎素服三川化鳥裘十上還莫言無皓齒時俗薄

朱顏 沈佺期十四時常從巫峽過他日偶然有思詩

曰小度巫山峽荆南春欲分使君灘上草神女館前雲

樹悉江中見猿多天外聞別來如夢裏一想一氛氳

又從崇山向越當詩曰朝發崇山下暮坐越當陰西從杉谷度北上竹溪深竹溪道明水杉谷古崇岑差池疑不合繚繞復相尋桂葉藏金嶼藤花閉石林天窗虛的的雲竇下沈沈造化功偏厚真仙迹每臨豈徒探怪異聊欲緩歸心 張說蜀道後期詩曰客心爭日月來往預期程秋風不相待先至洛陽城 王維陽關唱曰渭城朝雨裊輕塵客舍青青柳色新勸君更盡一杯酒西

欽定四庫全書

御定淵鑑類函

卷三百六

十六

出陽關無故人 孟浩然夜渡湘江詩曰客行貪利涉夜裏渡湘川露氣聞芳杜歌聲識采蓮榜人投岸火漁子宿潭煙行旅遙相問潯陽何處邊 又旅行欲泊宣州界詩曰西塞沿江島南陵問驛樓湖平津渡闊風止客帆收去去懷前浦茫茫夕流石逢羅刹礙山泊敬亭幽火熾梅根渚煙迷楊柳洲離家復水宿相伴賴江鷗 又自洛之越詩曰遑遑三十載書劔兩無成山水尋吳越風塵厭洛京扁舟泛湖海長揖謝公卿且樂杯

中酒誰論世上名 杜甫發同谷縣詩曰賢有不黔突

聖有不暖席况我飢愚人焉得尚安宅始來此山中休駕喜地僻奈何迫物累一歲四行役忡忡去絕境杳杳更遠適停驂龍潭雲迴首白崖石臨岐別數子握手淚再滴交情無舊深窮老多慘戚平生癩拙意偶值棲遁跡去住與願違仰慙林間翮 又詩曰洪波忽爭道岸轉異江湖鄂渚分雲樹衡山引舳艫邵平先入漢張翰復歸吳莫怪啼痕數危檣逐夜烏 又詩曰夜醉長沙

欽定四庫全書

御定淵鑑類函

卷三百六

十七

酒曉行湘水春岸花飛送客檣燕語留人 李白天夜宿牛渚詩曰牛渚西江夜青天無片雲登舟望秋月空憶謝將軍余亦能高詠斯人不可聞明朝挂帆席楓葉落紛紛 綦毋潛早發上東門詩曰十五能行西入秦三十無家作路人時命不將明主合素衣空染洛陽塵 祖詠過鄭曲詩曰路向滎川谷晴來望盡通細煙生水 上圓月在舟中岸勢迷行客秋聲亂草蟲旅懷勞自慰 浙浙有涼風 常建泊舟盱眙詩曰泊舟淮水次霜降

夕流清夜久潮侵岸天寒月近城平沙依鴈宿候館聽
雞鳴鄉國雲霄外誰堪羈旅情 郭向途中口號詩曰

抱玉三朝楚懷書十上秦年年洛陽陌花鳥弄歸人

岑參奉和杜相公初發京城詩曰按節辭黃閣登壇戀

赤墀銜恩思報主授律遠行師野鵲迎金印郊雲拂畫

旗叨陪幕中客敢和出車詩 張繼楓橋夜泊詩曰月

落烏啼霜滿天江楓漁火對愁眠姑蘇城外寒山寺夜

半鐘聲到客船 盧綸江行次武昌縣詩曰客寄五湖

欽定四庫全書

御定淵鑑類函

卷三百六

十八

間扁舟往復還年年生白髮處處上青山去國空知遠

安身竟不聞更悲江畔柳長是北人攀 又晚次鄂州

詩曰雲開遠見漢陽城猶是孤帆一日程估客晝眠知

浪靜舟人夜語覺潮生三湘愁鬢逢秋色萬里歸心對

月明舊業已隨征戰盡更堪江上鼓鼙聲 韓偓尤溪

道中詩曰水自潺湲日自斜盡無雞犬有鳴鴉千邨萬

落如寒食不見人煙空見花 李商隱詩曰君問歸期

未有期巴山夜雨漲秋池何當共翦西窗燭却話巴山

夜雨時 戴叔倫宿灌陽灘詩曰十月江邊蘆葉飛灌

陽灘冷上舟遲今朝未遇高風便還與沙鷗宿水湄

賈宗旅泊江津言懷詩曰征途幾迢遞客子倦西東乘

流如泛梗逐吹似驚蓬飄飄萬里外辛苦百年中異縣

心期阻他鄉風月同雲歸全嶺暗日落半江紅自然堪

迸淚非是泣途窮 衛葉晚投南邨詩曰客行逢日暮

原野散秋暉南陌人初斷西林鳥盡歸暗蓬沙上轉寒

葉月中飛邨落無多在聲聲近擣衣 李端曉發瓜洲

欽定四庫全書

御定淵鑑類函

卷三百六

十九

詩曰曉發悲行客橈停獨未前寒江半有月野戍漸無

船棹唱離南岸鴻嘶發遠田誰知避徒御對酒一潸然

歐陽詹自淮中却赴洛途中詩曰惆悵策疲馬孤蓬

被風吹昨東今又西冉冉長路岐歲晚樹無葉夜寒霜

滿枝旅人恒辛苦冥冥天何知 又晨裝行曰邨店月

西入山枝鴨鳩聲求燈徹夜席束囊事晨征寂寂人常

眠悠悠天未明豈無偃息心所務前有程 劉禹錫途

中早發詩曰中庭望啟明促促事晨征寒樹鳥初動霜

橋人未行水流白煙起日上彩霞生隱士應高枕無人
問姓名 姚合客行詩曰客行無定處多在路歧間馬
是賒來貴僮緣借得頑詩書愁觸雨店舍喜逢山舊業
嵩山下三年不得還 于武陵南遊有感詩曰杜陵無
厚業不得駐車輪重到曾遊處多非舊主人東風千里
樹西日一洲蘋又渡湘江水湘江水復春 又西歸詩
曰不繫與舟閑悠悠吳楚間羞將新白髮却到舊青山
一葉忽離樹幾人同入關長安有家住秋至又西還

欽定四庫全書

御定別類類函
卷三百六

二十

又早春山行詩曰江草暖初綠雁行皆北飛異鄉那久
客野鳥尚思歸十載過如夢素心應已違行行家漸遠
更苦得書稀 又客中詩曰楚人歌竹枝遊子淚霑衣
異國久為客寒宵頻夢歸一封書未返千樹葉皆飛南
過洞庭水更應消息稀 賈島早行詩曰早起赴前程
鄰鷄尚未鳴主人燈下別羸馬暗中行蹋石新霜滑穿
林宿鳥驚遠山鐘動後曙色漸分明 劉得仁早行詩
曰萬類半已動此心寧自安月沈平野盡星隱曙空殘

馬渡橫流廣人行湛露寒還思猶夢者不信早行難
許渾早發洛中次甘水詩曰帶月飯行侶西遊關塞長
晨雞鳴遠戍宿雁起寒塘雲卷四山雪風疑千樹霜傳
驂一迴首隱隱見嵩陽 姚鵠曉發詩曰旅行宜早發
况復是南歸月影緣山盡鐘聲隔水微殘星螢共失落
葉鳥和飛去去度南曉邨中人出稀 趙嘏旅次商山
詩曰役役依山水何曾似問津斷崖如避馬芳樹欲留
人日夕猿鳥伴古今京洛塵一枝甘已失辜負故園春

欽定四庫全書

御定別類類函
卷三百六

二十一

劉駕早行詩曰馬上續殘夢馬嘶時復驚心孤多所
虞僮僕近我行棲禽未分散落月照古城莫羨閒居者
溪邊人已行 司空圖江行詩曰初程風信好迴望失
津樓日帶潮聲晚煙含楚色秋戍旗當遠客鳥樹轉驚
鷗此去非名利孤帆任白頭 崔塗巴山道中除夜書
懷詩曰迢遞三巴路羈危萬里身亂山殘雪夜孤燭異
鄉春漸與骨肉遠轉於僮僕親那堪正漂泊明日歲華
新 又途中感懷詩曰久客厭岐路出門吟且悲平生

未到處落日獨行時芳草長不綠故人無重期那堪更

南度鄉國已天涯 張喬商山道中詩曰春去計秋期

長安在夢思多逢山好處少值客行時雲起爭風勢花

交隱澗枝停驂一惆悵應祇嶺猿知 又荆楚道中詩

曰前程曾未到岐路擬何為返照行人急荒郊去鳥遲

春宵多旅夢閨夏遠相期處處牽愁緒無窮是柳絲

又吳江旅次詩曰行人愁落日去鳥倦暹林曠野鳴流

水空山響暮砧旅途歸計晚鄉樹別年深寂寞逢邨酒

欽定四庫全書

御定淵鑑類函

卷三百六

五

漁家一醉吟 羅鄴早發詩曰一點殘燈魯酒醒已攜

孤劍事離情愁看飛雪聞雞後獨向長空背雁行白草

近關微有路濁河連底凍無聲此中來往本迢遞况是

驅羸客塞城 又行次詩曰終日長程復短程一山行

盡一山青路傍君子莫相笑天上由來有客星 又詩

曰花開只恐看來遲及到愁如未看時家在楚鄉身在

蜀一年春色負歸期 杜荀鶴秋江夜泊詩曰一望一

蒼然蕭騷起暮天遠山橫落日歸鳥度平川家是去年

別月當今夜圓漁翁似相伴徹曉葦蕪邊 又早發詩

曰東窗未明塵夢蘇呼僮結束登征塗落葉鋪霜馬蹄

滑寒猿哭月人心孤時送帽檐風刮頂旋呵鞭手凍粘

鬚青雲怯活一未見爭得安閒釣五湖 又舟行即事

詩曰年少鬚鬢雪欲侵別家三日幾般心朝隨商客憂

風色夜逐漁翁宿葦林秋水鷺飛紅蓼晚暮山猿叫白

雲深重陽酒熟茱萸紫却向江頭倚權吟 王貞白隨

計詩曰徒步隨計吏辛勤鬢易凋歸期無定日鄉思羨

欽定四庫全書

御定淵鑑類函

卷三百六

五

迴湖冒雨投前驛侵星過斷橋何堪穆陵路霜葉更蕭

蕭 羅隱早行詩曰北去南來無定居此生生計竟何

如酷憐一覺平明睡常被鄰雞半夜啼 宋梅堯臣早

發大信口詩曰犬吠知船解邨墟尚閉門霜泥粘纜尾

冰水閣潮痕撇撇鵬鶴去纖纖舴艋昏梅湖到不遠寄

信向田園 又將赴表臣會呈杜挺之詩曰莫怪去遲

遲予心君亦知膝前嬌小女眼底寧馨兒學語渠渠問

牽裳步步隨出門雖不遠情愛未能移 孔武仲舍轎

馬而步詩曰嚴風駕雪霜吾轡頗溫燠白日暖郊原吾馬悽馳逐二者皆得用翩如兩黃鵠馬驕倦提策轡狹厭牽束何以救斯弊奔馳有吾足副之兩革靴隨以一筇竹鳧趨上高岡虎步出平陸折花得低枝照影臨深谷道逢田間叟時訪以耕牧此音稍入耳俚語俄滿腹行行及前堆小汗已霏霖芳草可為茵吾眠不須褥人生忌太佚終歲居華屋醉飽耳目昏軟煖筋骸縮今吾異於此千里干微祿朝隨鷹鷹騁夜侶鴻雁宿戶樞勞

欽定四庫全書

御定淵鑑類函 卷三百六

五

乃久金礦鍛方熟聊歌以自娛不作楊朱哭 孔平仲
雍丘驛作曰京塵漠漠稍侵衣秣馬雍丘日未西驛舍蕭然無與語遠牆閒覓故人題 王安石江寧夾口詩
曰落帆江口月黃昏小店無燈欲閉門側出岸沙風半死繫船應有去年痕 蘇軾八月七月初入賴過惶恐灘詩曰七千里外二毛人十八灘頭一葉身山憶喜歡勞遠夢地名惶恐泣孤臣長風送客添帆腹積雨扶舟減石鱗便合與官充水手此生何止略知津 又題重

湖詩曰八月渡重湖蕭條萬象疎秋風片帆急暮靄一山孤許國心猶在康時術已虛岷峨千萬里投老得歸無 又過嶺寄子由詩曰七年來往我何堪又試曹溪一勺甘夢裏似曾遶海外醉中不覺到江南波生濯足鳴空澗霧繞征衣滴翠嵐誰遣山雞忽驚起半巖花雨落繆繆 陳師道過杭留別曹無逸朝奉詩曰陳蕃解榻為留連俯仰徒驚歲月速故意斯人奈風雨多情於我獨山川可憐顏貌非前日依舊窮愁似去年後夜相

欽定四庫全書

御定淵鑑類函 卷三百六

五

思隔煙水夢魂空寄過江船 又馬上口占呈立之詩
曰庶纖小雨濕黃昏十里塵泥不受辛轉就鄰家借油蓋始知公是最閒人 文同晚泊金牛詩曰一襟初覺晚霜清短鞵垂頭任馬行斜日斂回疎木影急風收斷落泉聲望窮好景番番別題徧新詩闋闋精終是教人伏潘令許多才調賦西征 張耒自巴河至蘄陽口道中得詩曰落葉娟娟墜半環嘔啞鳴櫓轉荒灣東南地鼓天連水春夏風高浪卷山旅食每愁邨市散近秋已

覺暑衣單自慙老病心兒女三日離家已念還 范鎮

詩曰南來十日盡山行北去前驅野稍平邊日照人如

月色野風吹草似泉聲 周必大舟行憶永和兄弟詩

曰一挂吳帆不計程幾回繫纜幾回行天寒有日雲猶

凍江闊無風浪自生數點家山常在眼一聲寒雁正關

情長年忽得南來鯉恐有音書作急烹 朱熹山行兩

日至金步復見平川行夷路計程七日可到家矣詩曰

行穿仄徑度荒山又蹋深泥過野田路轉忽然開遠望

欽定四庫全書

御定湖鑑類函
卷三百六

五

眼明復見此平川江煙浦樹悲重疊楚水閩山喜接連

稅駕有期心轉迫稜稜瘦馬不勝鞭 范成大長安聞

詩曰吾觀舟中子一一皆可哀大為聲利驅小者飢寒

催古今共來往所得隨飛灰我乃羈旅人胡為乎哀哉

又早發竹下詩曰結束晨裝破小寒跨鞍聊得散疲

頑行衝薄薄輕輕霧看放重重疊疊山碧穗炊煙當樹

直綠紋溪水趁橋灣清禽百轉似吟客正在有情無思

間 又自寧國溪行至宣城詩曰波驚石險夜喧雷晚

泊旗亭笑眼開休問行人緣底瘦適從百八十灘來

陸游望江道中詩曰吾道非邪來曠野江濤思此欲

何之起隨鳥鵲初翻後宿及牛羊欲下時風力漸添帆

力健櫓聲常雜雁聲悲晚來又入淮南路紅樹青山合

有詩 又將離江陵詩曰莫莫過渡頭旦旦走隄上舟

人與關吏見熟識顏狀癡頑久不去常恐遭誚讓昨日

倒檣干今日聯百丈買薪備雨雪儲米滿餅益明當遂

去此障袂先側望 又馬上詩曰殘年流轉似萍根馬

欽定四庫全書

御定湖鑑類函
卷三百六

五

上傷春易斷魂烘煖花無經日滌漲深水過去年痕迷

行每問樵夫路投宿時敲竹寺門不信太平元有象牛

羊點點散煙邨 楊萬里考試河南漕司南歸值雨詩

曰我亦知我生有涯長將病骨抵風沙天寒短日仍為

酒日暮長亭未是家又苦征夫催去去更甘飛雨故斜

斜舊聞行路令人老便恐霜花一半加 又詩曰園花

落盡露花開白白紅紅各自媒莫問早行奇絕處四方

八面野香來 又夜離零陵以避同寮追送之勞留簡